

Autounoumìo

L'escrituro coustituciounalo se fara pas en lengo corso... (pajo 2)



Prouvènço d'aro

Tóuti li mes, lou journau de la Prouvènço d'aro

Abriéu de 2024

n° 408

2,50 €

Bibliotèco Museon de Carpentras

A faugu 15 annado pèr realisa la bibliotèco-museon de l'Inguimbertaine à l'Hôtel-Dieu. Es quasimen 300 annado de recampage, de croumpo, de douno d'obro e d'oujèt despièi dom Malachié d'Inguibert enjusqu'i darrièris aquisicioun recènto.

Un audioguide en 7 lengo vous sara proupousa: en francés, anglés, prouvençau, italian, alemand, ebréu e arabe... Sara à gratis.

Tóuti li suport de coumunicacioun saran revira en prouvençau: plan de vesito de papié e plan de vesito aficha sus li paret, documen de presentacioun, carto, panèu numerique sus lou parcours de vesito...

Lou Museon se coumpauso d'uno espousicioun permanènto sus 1800 m² que presènto li cap-d'obro dóu founs bibliougrafique e di couleicioun (940 obro espausado); 230 m² d'espousicioun tempouràri, pièi d'espaci pèr d'ataié, de counferènci, d'espetacle, un service de counsultacioun di founs ancian (libre, manuscrit, estampo, carto, perioudique), dins uno salo pèr acò, e lis archiéu municipau e espitalié ancian e mouderne avans 1940, dins la Salo Kareen Mane, en memòri d'uno jouvènto carpentrassiano defuntado tragicamen en 1997 à 28 an, quand èro en messiou umanitari au Tadjikistan. Aquest service, dubert en tóuti, es à gratis, mai evidentamen, souleto la reprodudioun di documen es à paga. Se fau faire marca un pau à l'avanço pèr la counsultacioun.

Aurés en mai, uno salo de detènto dins l'ancian refeitòri dóu couvènt di sorre enfièrmiero e uno boutigo-librarié...

Dins lou porge d'acuei, lou vesitaire poudra remira lou jardin di religious. À la debuto, lou batimen de la foundacioun racontò ço que fuguè l'Inguimbertaine pièi lis óurigino de Carpentras, de l'epoco roumano enjusqu'à l'an 1000, coume Carpentras nasquè dins la Coumtat, perqué se ié fasié la mounedo e coume la culturo judeou-coumtadino ié venguè. Un mouloun de pèço, enjusqu'aro, counservado i Visitandino jamai fuguèron estado espausado: tresor religious e artistique, de curiosita de la pieta populàri, coume lou culte à Sant Jan e Nosto Damo de Santa...

"L'Inguimbertaino"



De noumbrous tablèu ié trobon tambèn sa plaço.

E fin finalo, la reconstitucioun di gabinet de Mounsegne d'Inguibert e de Casimir Francés Enri Barjavel. Un écran permet de fuieta lis oubrage li mai emblemati.

Devèn à Casimir Barjavel, celèbre Carpentrasian, medecin, ome poulti, afouga de biblioufilo e istourian nascu à Carpentras en 1803, la coustitucioun d'un founds espetaclous.

L'inaguracioun de l'Inguimbertaino sara

dous jour de fèsto li dissate 20 e lou dimenche 21 d'abriéu, de 10 ouro à 19 ouro emé de counferènci sus l'art, la musico, l'istòri, la modo e tout plen de councert.

L'Inguimbertaino

- Intrado: 8 € e 12 € emé l'espousicioun tempouràri. Tarifo reducho entre 12 e 25 an, groupe de mai dóu 8 persouno, o persouno endecado.

Gratis enjusqu'à 11 an e chasque prou-

mié dimenche dóu mes. Vesito libro e à gratis pèr lis escolo.

Duberturo dóu dimars au dimenche de 10 ouro à 18 ouro, d'abriéu à óutobre de 14 ouro à 18 ouro e de novèmbre à mars. Barrado en janvié, lou 1^{ie} de mai e lou 25 de desèmbe.

Tira dóu *Bulletin de la vilo de Carpentras*, Mars/Abriéu 2024.

Fotò: Jan-Francés Cardona.

De segui pajo 9

Vasile Alecsandri

Un ban istouri, linguisti, literari, souciau e fòuclouri despièi l'Empèri rouman...

Pajo 6

Carle-Magne en Councile

Bèu proumié, l'empeiraire baiè la recouneissènço di lengo neou-latino...

Pajo 3

Francés Jouve lou fournié

La poulido vido dóu grand countaire de Carpentras s'óublidara pas...

Pajo 8